

綏中縣志

王火
署





105172

綏中縣志目錄

第七卷

人事上

種族

氏族

慈善

禮俗

歲時

貨幣

附銅元銀元度量衡

人事總序

嘗考堯格上下必授人時禹底平成必修府事自古聖明作覩未有不欲庶績咸熙者也然而人事之紛紜幾難風同而道一運會至今日共和聚五族之盛交通遍列國之繁舉凡商學農工等界無不各懷戰爭之利器以相與周旋苟非盡力於人事又焉能側足於人羣是以志人事

能盡其人以事又既歸而後其人終其以志人事

交感誠然則之靈相以直其義丁志以誠不吝其志乎之政者以辨其理與否
如國者身也而人事之辨也誠誠且誠而後一聖者至今日此誠也五君之誠
者衣與耕土不為與人而為定不為為而為事自古而歸之誠未嘗不為其誠

人事類引

人事編

種族序

主治者能以大同爲志而懷柔遠人則紫鬚碧眼之儔皆來向化交趾雕題之輩亦願輸誠合吳越爲一家又何分乎種族哉然而系關血統神州之貴胄究有淵源派屬別支異境之僑民終形隔閼雖化成有術凡入一爐而治者悉被陶鎔而溯本窮源亦不能強族類紛歧者而謂之爲同條共貫也此種族又不可不辨也綏邑與榆關接壤地本衝繁而在明之末葉屢遭兵燹閭閻幾歎一空迨前清定鼎燕京心殷富庶因仿殖民政策無論爲漢族爲滿族爲蒙族爲回族但可以遠移者胥諭之由彼而移於此焉於是綏邑之民遂充拓有餘矣

種族

漢族

明末清初山海關外荒城廢堡黎庶凋殘清康熙三年招民墾田令下漢族遷徙日繁或經商落戶或流寓入籍統計大數山東直隸居多山西河南又其次矣

漢軍旗人

清太宗由旅順至山東招安民壯即漢軍人之淵源也厥後借資民力所向無前迨定鼎燕京康熙四年安放莊頭先由山東撥民以酬其勞亦得地莫忘恩之意也

滿洲

係長白山一帶之人從清祖舉義者所謂陳滿洲是也從龍入京分管領佐領二項充差文不京察武不軍政至於新滿洲由康熙十七年來投設世管佐領以約束之分布外城在營伍充差又有西僊人亦係滿洲康熙三十八年投順只准披甲當兵捐考與滿洲一例

蒙古

蒙古雖係外藩自清初投順中國多負勤勞與清結親後各衙門皆有缺額考試與滿洲同猶分外蒙內蒙至康熙三十一年有巴爾虎人來投亦蒙古一小部落分駐盛京等處當兵設佐領十員以統之

邊台驛站網戶

三項旗人係清初三藩降卒當時由雲南撥來八百八十四戶分布邊台守邊挑壕驛站傳遞文書網戶捕牲羅雉雖屬漢軍旗人不准考試

回族

綏中初無回教自清乾隆二年始從西域來僅十餘戶先在城外魁星樓下修小禮拜寺嘉慶三年生齒漸繁始遷禮拜寺於城內究其種族即唐代回紇遺裔也性耐勞善經營民國改元益盛今設立回民學校以育其人材

燹伯

明季黑龍江東北突起一小部落不事耕織以攫禽獸爲食與索倫烏拉各部

落常相爭鬪嗣清太祖努爾哈赤崛起征服之加以撫恤其部落之人乃分居於奉省各駐防地充當甲兵故綏邑亦有其種族惟同化已久至今則與滿族混合爲一矣

同治

蒙古

氏族序

禮云尊祖故敬宗敬宗故收族氏族之關係亦大矣哉綏邑地當關左滿漢聚
居盡屬清初移殖原無陸機之祖德潘岳之家風堪資稱述而從龍勁旅附驥
良才三百年毓秀鍾靈充門閭而光前烈者當亦不乏茲特略舉一二以徵世
系之隆替故志氏族

... 乃分...

...

...

...

...

...

...

...

...

氏族

瓜爾佳氏

係滿洲正黃旗人清初蜚英東公以功封直議公配享太廟三傳至葉中額其子巴布喀授通議大夫三等阿達哈哈番巴布喀子二長阿布薩哈未仕次阿拉穆官佐領阿拉穆子二長即安珠瑚襲騎都尉職康熙十七年陞奉天將軍因疾辭職次錫特庫襲騎都尉職未久即歿安珠瑚子三長安世報任防禦世報子安正未仕安正子安恒康熙年舉人任知縣安正第六子安義康熙年舉人任筆帖式安義子曰安恩成巴尼瑋巴尼瑋恩成員外郎舉人巴尼瑋舉人任按察使巴尼瑋任知府巴尼瑋三子長普定六品頭領鷹上次普恭舉人筆

帖式任江寧將軍有政聲三普英任防禦安珠瑚第二子安世卜未仕世卜次
子安祿六品官安祿子安盛額任江南糧道世卜第三子哈福筆帖式哈福子
炎上任城守禦子額勒春任協領安珠瑚第三子安世熹任倉官子赫爾錦三
等侍衛赫爾錦長子阿納布任佐領阿納布子三長富現任防禦次富環任驍
騎校三富琳貢生富琳子二萬選萬通萬連均未仕萬連子恩凱貢生簡易師
範畢業充縣立第七高小校校長後調縣立第四女子高小校校長轉充縣立
第三高小學校長子桂瀛省立師範畢業充縣立第一高小學校教員調充縣教
育公所事務員萬連三子恩璽師範講習畢業充小學教員

劉氏

劉氏原籍山東歷城縣清初名國用者以武功入漢軍鑲藍旗駐防中前所（在今縣治西八十里）一傳世虎二傳成仁均爲本旗領催三傳應科業儒四傳天錫委官五傳彬領催六傳永吉領催授武信騎尉七傳翰委官二品封典八傳玉堂業儒二品封典（詳本志方技）子三長恩鍾光緒癸未科進士官河南知縣山東候補道員（詳本志人物）次恩蔭由國史館謄錄改山東鹽場大使歷任永阜永利王崗各場大使三恩祺翰林院待詔恩鍾子四長摺卿官山西沁水縣知縣次寶卿官山東袁州府運河廳同知捕河廳通判三涇卿候選州判中學畢業四瑞卿候選縣丞法政學堂畢業摺卿子郁候選縣丞警務學堂畢業寶卿子三長郁出嗣次濟法政學堂畢業以薦任職分省任用三震正

誼中學校肄業

石氏

原山東武定府人明萬歷年名景和者任遼陽指揮其後石良臣任遼陽城守尉三傳至尙禮從清祖扈蹕回京入漢軍正黃旗充御林軍四傳石有用以管莊筆帖式奉派出關遂於中後所家焉五傳國珍管莊主事六傳七傳應熙阿興諾筆帖式八傳恩保福隆阿皆爲管莊主事才識敏鍊頗有政聲其弟瑞興阿依興阿筆帖式九傳權祿主事穆特布惠麟陞安奎官扎勒杭阿催長十傳喀清阿海瑞錫斌雙瑞俱筆帖式十一傳恒祺催長達德諾里布筆帖式

張氏

張光緒公字瑞州直隸河間縣廩貢生善書法通醫理由清嘉慶十年携妻夏氏並子德立德年遷前屯衛城裡德立生子一步雲國學生德年生子四長凌雲字翼卿增貢生任山西大寧縣典史經曾忠襄公保以河工主簿用次錦雲字書城未仕次青雲爲盛京刑部吏次會雲早故遺子維屏妻雷氏旌表翼卿公生子二長家相善理家次維藩候補巡檢書成公生子一維翰字子屏優附貢生被舉爲臨時省議員子屏公生子三長銘勛廩生由北京譯學館畢業獎叙舉人在直省候補通判民國三年投効江蘇薦補太倉縣知事廉潔自持有政聲銳勛爲江陰縣警佐鎮勛業商銘銳鎮俱有子尙幼未就傅

席氏

係鑲黃旗滿洲清初名席特庫者以武功授右翼護軍參領順治元年扈蹕燕京以會計司主事陞內務府郎中兼上駟院卿銜康熙十四年欽派督理山海關外莊糧事務誥授中義大夫初遷中後所再遷永安寨遂爲駐防旗人二世常興保管莊筆帖式三世席賢未仕四世喀嗎氣管莊筆帖式五世席奠海慶均原任主事海瀛乾隆乙卯舉人嘉慶庚申進士歷官戶部主事工部郎中順慶府知府甘肅蘭州兵備道六世吉善催長吉壽吉陞尙雲皆筆帖式吉麟嘉慶庚午舉人歷官光祿寺署丞吏部主事員外郎旋陞刑部郎中署理天津道席尙純原任主事七世席昆文郁筆帖式文彙附貢八世席裕宗主事九世席恩榮筆帖式席恩棠貢生

張氏

張氏原籍直隸臨榆縣東李家堡經文煥公於清康熙年間始遷居寧遠州西水泉溝入方來社四甲民籍子四次起華業農又遷礪子山子二長永耀國學生次錦春字麗堂歲貢生候選訓導子二長立正字身修從九品五品封典無嗣次立賢字希聖五品封典子二長世麟字趾仁出嗣長門廩膳生光緒乙酉拔貢朝考二等一名籤分直隸知縣特授武邑縣知縣卓異候陞直隸州書法純正體宗歐柳服官數載卓著循聲次世衡字仲銓優增生光緒丁酉科拔貢候選直隸州州判書法遒勁篆刻尤精無嗣趾仁公子二長嘉蔭字午園衍生花翎五品銜分省試用縣丞奉天地方自治研究所畢業子一尙幼未就傅次

嘉棻字埜園承繼二門綏中縣高等小學畢業

韓氏

始祖良相於清康熙八年自山東登州府黃縣移至中後所四傳至大儒道光
戊辰武舉授德勝門千總大儒生二子長咸德次崇德咸德子際雍咸豐丁酉
以廩生補筆帖式崇德子際泰歲貢生際雍生四子長宗愈六品護軍校次宗
琦同治丁卯副榜授京兆八旗訓導學品兼優三宗起四宗休宗愈子禧麟藍
翎六品頂戴宗起子寶麟光緒甲申補廩旋補欽天監筆帖式嘉麟光緒庚辰
歲貢生宗休子祥麟光緒癸巳附生禧麟子福謙能繼祖志福謙子汝昌亦能

繼續先謀

張氏

始祖輔普原籍直隸青縣自清雍正中世始遷居奉天靉遠州沙河所後遷中後所城西香房屯業農經商編入歸化社六甲民籍輔普子維藩維翰均業儒國學生維禮子恩候選巡檢一生性情慷慨急公好義凡鄉里有貧苦患難之人無不撫恤而救濟之里黨送有一鄉善士匾額恩子長冠甲候選從九次殿甲以子貴誥封中憲大夫長子步雲以優增貢生歷官吉林樺甸縣知縣額穆磐石兩縣知事吉林府地方審判廳刑庭推事以清賦放荒報竣奏保以直隸州知州同知在任即補次慶雲儘先補用千總步雲子長鑑唐吉林法政學校畢業民國丙辰考試高等文官及第籤分農商部記名僉事現藉補工商司主

事缺仍以僉事升用次鑑衡警官學校畢業現充警察所行政股員二鑑銓北
京商業大學畢業現充農商部辦事員

王氏

始祖義昌生子三亮貽贈通奉大夫二品封典三亮子啓正庠生貽贈修職佐
郎誥贈二品封典啓正子永祿歲貢生勅授修職郎於清乾隆年間歷官直隸
正定府元氏縣訓導奉天遼陽州學正署蓋平知縣誥贈通奉大夫二品封典
永祿六子長廷弼歲貢生任直隸順德府任縣訓導次廷獻候選從九品三廷
贊授甘肅等處承宣布政使司布政使誥授通奉大夫特賜頭品頂戴賞戴花
翎四廷勸國學生貽贈承德郎刑部陝西清吏司主事五廷相國學生貽贈奉

政大夫禮部祠祭清吏司員外郎廷相子德潤乾隆庚寅舉人歷任刑部陝西
清吏司主事晉陞禮部清吏司員外郎廷勳子德充乾隆乙卯恩科舉人德潤
子治模乾隆乙酉恩科經魁庚戌聯捷進士禮部祠祭清吏司員外郎兼辦儀
制司則例館纂修學政全書館纂修授雲南大理府知府治模子寶賢亦能不
振家聲後嗣雖無考實爲吾綏望族云

黃氏

始祖金邦世居江蘇揚州府北門外黃金壩於清康熙十九年遷北京充差二
十五年撥民出關遂家於中後所城西北東岔溝三十三年撥入漢軍鑲黃旗
百靈管領下充差子廷貴於乾隆十四年合族援例入寧遠州歸德社二甲民

籍廷貴生子國梁耕讀守家克承先業國梁生子琳字美之治家勤儉好善樂
施美之生子三長希孔字宗聖次希孟字法賢均能承家季希程字紹川號雪
菴恩貢生宗聖生子清和字蔭園優增生法賢子清泰字象平道光辛巳恩科
武舉蔭園公生子二長大儒字聘珍武庠生次大倫字仲彝號午橋別號味山
咸豐辛酉科拔貢同治元年朝考就職國子監助教著有味山草堂詩草古今
體例詩共三百餘首又著有富有志系叙述國初名宦政績及碩儒著作採集
國史館及各省通志體裁編纂上下二集又有詞曲若干首光緒二十六年遭
票匪焚燬存稿皆失紹川公孫大賓字式之光緒紀元蒙舉孝廉方正仲彝公
生子四長樹頊字筱仲次樹忱字信齋優增生宣統紀元蒙舉孝廉方正歷充

本縣勸學總董勸學員長保甲辦事員遞選奉天諮議局議員省議會議員北京參議院議員十一年蒙黎大總統給予三等嘉禾章復蒙曹大總統給予二等大綬嘉禾章以簡任職由國務院存記三樹愷字紹棠附生四樹葵務農守業

葉氏

原籍安徽鳳陽府壽州安豐人始祖葉亮於明正德年在浙江慈谿縣充當總兵陞任還東贈明威將軍遂家於官帽山亮生子三長葉景鎮國將軍次葉興榮祿大夫季葉廣鎮國將軍廣生子大經榮祿大夫經生子廷璽明被禦鎮國將軍璽生子四承爵承勳承然承祿承然子萬生萬生子燕青燕青子時傑時

傑子長春於清雍正七年因開墾有功充當莊頭贈世襲文林郎由長春七傳
至錦芳字炳軒監生錦芳生子二長弼亮字鼎臣北京鹽務專門學校畢業民
國十五年充陸軍少校察哈爾交涉公署顧問十六年陞陸軍中校迭陞上校
次子寅亮現在奉天工業專門第一工科肄業

慈善序

傳曰慈者所以使衆也又曰善與人同樂莫大焉是慈善一事亦古聖賢所資以垂訓者也而第恐執中無權非流於迷信即近於沽名亦後世風俗人心之大弊耳茲特擇心術純正措置裕如無事勉強不加修飾者略備一門以資觀感而勵貪殘故志慈善

慈善

路君德鴻

字潤身

邑三區路家嶺人因親老丁單業儒未竟納粟國子監性慈

憫專濟貧困乞食者必按名給粥一盂日日如是不憚煩屑光緒乙未邑大饑每日必煮粥數器以供村中不舉火者復轉貸款接濟耕耘至村中貧戶有死不能葬者聞之慨與棺木不索值晚年酷嗜宣講拾遺三教真傳諸善書暗中施捨善書版資數百金以及湖南賑捐奉直吉江四省慈善聯合會皆捐金暗助意在不求聞知以故外人得悉確數者恆少嗣又捐資倡辦義倉義學義醫以行方便至今人雖往而三義之名猶留於大正福屯當民國十年公年七旬有二步履如恆僅於歿前數日自云不爽然仍能親自行動

便遣至八月初一日晨刻忽目視子女促易簀須臾正衣冠而歿大歛時顏

色如生毫無痛楚形狀人皆謂考終亦慈善之報云公二子長文卿歲貢生

次永芳習武值停科一女適何氏婿因腿疾不良於步無專業公時以婿之

坐食爲憂二子即順承親意慨然給與地七畝三園地基一塊修蓋偏正房

一所鄉里侈爲美談而女於父母歿後愈加行善持齋誓終身不茹葷酒以

期超升父母陰魂雖近迷信亦見至誠非公之慈善性成有以感動曷克至

此故略志之以資風世云爾

鄧君韡堂字萼樓邑城內人性坦直心慈憫業儒未竟刻意經濟學偶貨殖億

屢中必以餘資濟困窮遇歲饑即傾囊無吝色然必隱姓名不求人知常隻

身夜出見街上貧丐暗與以錢及詳問爲誰則輒搖首亟走惟恐遇熟識者
因此事雖屢聞而筆難盡述僅將落落大端人人共知者略書於冊用資觀
感民國十年凌源縣倡辦賑捐公慨然助以千金十一年奉直之役出關難
民日以千百計公在東門外要路每人給洋一圓至旬餘過畢而止施捨在
萬圓之譜有詢其家欲拜謝者公輒避之絕不市恩又在城北六股河渡口
獨修善橋以便行人常年費在數百圓之數又於太寨村義塾中助以常年
經費問之則不言確數蓋公之先世居興城界茸角溝其先君心齋公會於
光緒乙未歲饑時施捨村中米糧二百四十餘石是其慈善性成實乃家學
淵源有自耳

鄒君與齡字錫九凌源縣生員因與綏中商號連財常相往來每至城北王寶

河渡口見徒步而涉者絡繹不絕盛夏或遭滅頂秋冬之交寒漪砭骨受病

尤甚因慨然曰一橋若是之難哉因約同志趙雲凌等共成善舉建橋一道

出資七百五十吊又募資四百九十五吊在溫家屯置劉祥地二晌歷年以

應收糧租作爲永遠修橋經費至今行旅往來頗稱便利因名曰善濟橋

李君廣隆係八區廣裕店人家擁小康尤好慈善於光緒二十年中東戰開秋

後歲歉收春耕貧民無力耕種地幾荒蕪將有饑餓之虞李君大發慈悲以

自己地照抵押富商代借款項五千餘吊散給貧民以助不給至是年四五

月間青黃不接遠近貧民乏食者居多數炊烟幾斷道路饑殍相屬公又憫

之復糶米二十石舍粥兩月以賑窮黎至今父老街談尤稱道不衰

史君成立係七區黑魚溝屯人家境殷實性好慈善累德行仁及身四世鄉里咸爲稱贊光緒元年深識積德尤勝積金竟將外欠賬目數冊計錢十餘萬吊付之一炬噫嘻孟嘗君之焚券市義不過如斯彼視財如命之輩視此愧焉否乎及二十一年歲大饑又自出儲糧百餘石施賑貧民絕無吝色史公以農家者流好義如其超越於縉紳先生者多矣

劉君銘漢字澤普係一區鐘樓鼓屯人性慈善治家有道於民國元年本縣歉收自出積糧煮粥以濟窮民初僅本村後鄰村亦來就食自二月起至七月止共米八十餘石當時核銀五百餘兩獨力賑施不求人知本縣監督王仲

英聞之呈請上憲給予樂善好施匾額一方以旌其善

洪君福曜係清前所正藍旗委官住五區大松嶺溝生平好善於光緒二十一年歲大饑洪君以儲粟十石賑濟貧民保全耄穉不下數百人至今遠近父老猶稱道不置云

高文銓字子卿邑三區後火石屯人性和藹老成持重急公好義曾舉爲鄉耆

應極峯聘民國三年奸民包嶺海岸意在鹽稅屢增抹房所用鹼土每車可由半角增至五角竭澤而漁不惜絕人生路矣邑紳徐君晉三據情稟縣曾蒙批准公用奈日久弊生捐錢者仍蹈故轍八年春高君聞悉以鄉耆名義陳書省議員趙鴻章在省議會提議表決公用奉省明令無論何人不准私

領因此捐錢之弊始絕根株現今鹽稅又增數倍食鹽一斤價合奉票一圓凡用鹼土抹房者益深感激高君之德矣

黃公名琳字美之七區東岔溝人家境豐阜天性仁慈樂善抱不倦之懷見義有必爲之勇常年舍飯普施救濟日以待哺者凡百貧民每值凶年放賑施錢尤爲習事綜記善舉五世相承是以遠近鄉閭咸以黃善人稱呼

盧溥源原六區王家莊人現浮居山海關心殷教育於民國十年施現小洋二千餘元在王家莊創設義學一處廣爲招生學務起色常年不領公款不取學費本莊人無不德之而一切經理又賴有張鵬遠操辦井井有條如盧君者可謂慈善性成者矣

在何處...

...

...

...

...

...

...

...

...

禮俗序

禮以辨上下定民志管子所謂禮義廉恥國之四維者也自後世人心不古風俗日漓上無道揆下無法守致令先王制作之精意悉泯沒而不彰夫亦良足惜已然而道墜則在於人禮失而求諸野入鄉問俗不亦宜乎故志禮俗

昔曰然而聖人亦其人歸矣而衆猶畏人讓同乎亦宜乎始法歸治
始曰而土歸德德不離土也今夫王國者之歸德也始於德不離土也其
德以歸土可宜矣夫君子之德也德歸德歸之國歸者身自歸也人心不古

禮俗

婚嫁

婚姻之禮首重媒妁子女幼時由親友酌門戶相當者先爲介紹蒙男家許可然後女家出庚帖置於拜匣押以金錢多寡不同數必取雙外包以紅布纏以紅繩由冰人送至男家供諸先祖案前上押以斧俗謂一福押百禍三日中無破碎事乃開匣令術者推算以吉爲準謂之拿婚帖百日內男家以簪珥釵釧之屬親送女家女家約會親眷治筵相陪席終令女出拜禮畢將行獻聘金猪酒折錢數無一定謂之押婚即古之間名納采義也及將娶冰人先期通知謂之通信擇定吉日先將衣服首飾同冰人送至女家女家如押婚儀式歛待謂

之過大禮即納徵也宗族內眷或贈以飾物或贈以錢幣謂之添箱迎娶先一日女家備衣飾奩具送至男家謂之安嫁妝詰朝男家備彩輿鼓樂迎娶但親迎之禮久已不行或轎或車僅兩家各請女眷一日娶親一日送親一切節目皆賴指點彩輿至庭由女娶送親扶立香案前有二幼女持寶瓶授新婦壻乃出拜行三叩禮禮畢以紅毡鋪地導新婦入室坐向吉方揭去首帕行合巹禮然後加髻謂之上頭妝畢先行廟見禮謂之拜祖次及翁姑宗族內眷長者至午女家親眷男女齊到先陳簪酒兩相換杯謂之會親家然後獻禮單名曰管飯菜錢實餽儀也筵畢將行壻出拜謂之謝親日晡新郎新婦由幼女二人導入同席食麵謂之長壽麵或四日六日女家接壻與婦謂之回門或住二宿四

宿不等近又有接三接九之風皆當日即回不能留宿此舊時婚嫁大概也至民國改行文明結婚禮摺紳家多行之而鄉間則仍沿舊習僅易跪拜爲鞠躬耳

喪葬祭禮

喪事重哀戚不重文貌然亦視家業之豐嗇綏邑人多業農於成主修經二事詩書富厚之家間或行之中人以下鮮見也而惟服膺可當大事之訓無論貧富未有不竭力慎終者可見天經地義之終在人心也凡親屬將終子孫爲易衣服衾褥停於牀謂之小殮口含以珠或制錢兩手握餅餌首西向覆以帛俗信佛以西爲佛路也外焚芻靈之屬大門掛魂旛男左女右異日入棺停中堂

謂之大殮自小殮至大殮每日朝中辰子孫必哭泣送水米於土地祠名曰送漿水飯大殮後孝子執引魂旛繞棺三匝倒退口呼聲與淚俱送土地祠焚冥鏹親友叩拜孝子答禮畢升旛於紙車紙轎內焚之謂之送行三日親友來弔謂之辦三貧家亦有隨三日即出殯者富者令術士另擇吉日印帖通喪親友謂之訃聞六日夜間子女於一點鐘時具香楮庶饌酒醴向東北跪接謂之迎七取七日來復之義也殯時先期高搭席棚內置紙造人物器皿亭榭車轎等類至期先一日爲開弔二日爲領奠三日晨刻出殯有請士紳贊禮致祭者亦有自獻家祭者成主者具紙龕供神主謂之安靈或一週二週升神主於祖先堂謂之上祖殯前夕致祭謂之辭靈殯時有官槓官罩孝子執旛哭泣前行抵

墓懸棺而封築土爲墳而致祭焉期年小祥至近親眷或送冥鏹錢幣助祭不能徧勞親友也二週大祥惟中前所近榆關處間有約會親友舉辦除服者而前衛綏中則必待二十七月內除服惟禫祭不行久矣其餘忌日年節祭於家惟清明七月十五十月初一十二月二十以後皆祭於墓一切禮儀稱家有無無大異焉耳

歲時令節

舊歷歲除日卑幼向尊長前行叩拜禮曰辭歲尊長賜以幣帛曰歲錢至夕燈燭輝煌陳設供品祖竈外設香案於堂前供大地諸神祇像至子時衣冠整肅焚香叩拜焚神像燃炸炮曰接神此舉文明人家多有革除者接神畢尊長向祖竈叩拜卑幼向尊長叩拜曰拜年然後闔家食水餃少許曰裝元寶

正月初一日曰元旦今爲春節共賀新年鄉里長幼俱相通拜城市商號感情深者投刺親臨浮泛者令人互送名片而已初五日俗名破五家家捏餃子名曰捏破蓋從俗也初六日商家開市燃炸炮並撥薪金或去取人位十五日上元爲元宵節商家沿戶懸燈演雜劇者遊行街市前後三日爲限家家食糯米

湯圓名爲元宵亦可作贈品享饑然過十五則不能用也二十四五日爲填老倉各糧米處揮香擲黍團蓋取先兆豐年之意也

二月初二日爲龍抬頭晨起焚香置窗間以爲蟲類不敢出也蓋因驚蟄在是月昆蟲始動遂沿爲習也十九日爲觀音聖誕僅供像人家設供焚香未有普通廟會也

三月三日古爲上巳俗謂王母蟠桃會家家園內種植瓜果蓋附會蟠桃生意之故也清明節家家祭掃先塋覆以新土今爲植樹節栽植者日見增多亦提倡實業之效也二十八日爲東嶽聖誕廟會盛行紅男綠女絡繹不絕所謂舊習難除也

四月十八日爲娘娘廟會城內商家放假營業者百物雜陳玩具食品尤多女子焚香叩拜肩摩途塞鄉間以海濱鐵廠屯娘娘廟爲盛二十八日藥王廟會繁盛較十八稍殺然藥行必以斯日爲盛典云

五月五日爲端陽節今爲夏節民間只知食角黍飲雄黃酒插蒲艾於門並與兒女繫五色線於頸臂實不知當日靈均故事也十三日爲雨節俗云大旱不過五月十三日不知何所本耳

六月六日村中致祭蟲王名爲蟲王會十三日祭龍王亦名龍王會且有藉此日吃青苗會者自區村制行已鮮見矣

七月七日因牛女相會之說亦稱雨節占兩者每盼之十五日爲中元節家家

祭祀先塋慈善家亦有夕間放河燈超度遊魂者然不多見也

八月十五日爲中秋夕間陳瓜果月餅於庭謂之供月二十七日爲先師孔子誕辰學校放假以誌紀念

九月九日爲重陽節文士間有登高眺望者鄉間無此舉也

十月初一日爲冬令祭墓之期剪裁五色紙謂之焚送寒衣又十月十日爲雙十節然以陽歷計算仍在陰歷八九月間居多僅學校與各機關放假慶祝商家懸國旗鄉間尙不知何爲慶紀念也

十一月冬至爲天長節又爲消寒節俗謂數九

十二月初八日爲臘八以黍炊飯加以五色雜糧謂之臘八粥二十三日爲過

貨幣

前清錢法製造頗繁而奉天向無鼓鑄錢制當時各縣市面通融均由商號連環担負刷印紙幣開寫錢數號爲憑帖商民交易似較便利其錢法以二枚爲一成以十六枚爲一百文以一百六十枚爲一吊俗稱一吊錢亦稱一緡錢自光緒末年中外銀元輸入而銅錢之製造取銷自民國初年奉天紙幣倡行而商家之憑帖禁止市況亦隨時變遷

銅元

銅錢既少銅元代興各省製造有值十枚及二十枚者不等綏中交易甚覺通融然其初作用小銅元十枚易小銀元一角百枚易小銀元一元迨至近年銅

元荒毛非特不能以百枚易小銀元一元即易小銀元票亦且不能對值甚至
民國十三年四年間毛荒愈甚以銅元百枚易小洋票一元時有加四十倍或五
十倍者不等今雖亟力維持尙未恢復原狀

銅元票

民國七年奉天公濟平市錢號因銅元出現更製銅枚票五種相輔而行有五
枚十枚二十枚五十枚及百枚者不等原與小銀元居同一價值近因銅元毛
荒致銅元票亦受影響時有值小銀元一元加銅元票十倍者

銀元

綏中銀元流通其種類不一有正牌雜牌之分其正牌兩種分大小係北洋製

造大者重庫平七錢二分小者七分二厘小者十角爲一元是謂大銀元其雜牌各種亦分大小大至成元小至半角是謂小銀元當初作用小銀元易大銀元一元祇加十分之二自銀票暢興銀元漸少現今以小銀元易大銀元一元須得加二十分之四五推至小銀元票更得加三十分之五六

銀元票

銀票種類既分其作用亦異天津有中交兩行現大洋票一種能與現大洋對值是謂國幣奉天亦於民國五六年造中交兩行大洋票一種每元值小洋票十分之二能與北京天津上海匯兌是謂奉大洋票其他各種票類均以小洋票作用

度

尺之爲用曰度所以識長短也其種有三曰大尺曰蘇尺曰營造尺大尺者爲商家量大尺布適用每尺長營造尺一尺一寸一分裁尺者爲商家剪裁綢緞適用每尺長營造尺一寸一分凡大尺裁尺均非准尺綏中用度惟前清工部酌定營造尺頗爲適用一切民人交易木工起造官署丈地悉以遵之

量

斗之爲用曰量所以識多少也斗起於斛斛生於管兩管爲一斛斛之種有二以四十九管合成二十四斛五格爲一斗者是謂清斛以五十一管合成二十五斛五格爲一斗者是謂衛斛綏中用量純是衛斛而清斛概不適用推諸集

鎮亦然

衡

秤之爲用曰衡所以識輕重也十六兩爲觔其法碼始於前清青銅制錢八百六十文以平衡之即爲一觔又法足金塊寬長一寸成方亦平爲一觔綏中沿用最爲適宜

凡之爲用所處所以體量短長其制有三曰大尺曰中尺曰小尺大尺者爲
凡大尺者每尺長一尺一寸一分五分凡大尺者每尺長一尺一寸一分五分
凡中尺者每尺長一尺一寸一分五分凡中尺者每尺長一尺一寸一分五分
凡小尺者每尺長一尺一寸一分五分凡小尺者每尺長一尺一寸一分五分
凡大尺者每尺長一尺一寸一分五分凡大尺者每尺長一尺一寸一分五分
凡中尺者每尺長一尺一寸一分五分凡中尺者每尺長一尺一寸一分五分
凡小尺者每尺長一尺一寸一分五分凡小尺者每尺長一尺一寸一分五分

六十支尺平清之四錢一釐又若以分與實錢一十支尺亦平數一釐與中作
情之義俱同通商以爲通商者十尺而後通其義通商者通商而通商通商而通商
凡四錢凡實合錢二十圓然五倍者一斗者是通商者以五十一實合錢二十
圓然五倍者一斗者是通商者以五十一實合錢二十圓然五倍者一斗者是通商者

綏中縣志目錄

第八卷

人事中

祀典

聖廟祀位

名宦鄉賢祠

典禮

樂章

武廟祀位

典禮

樂章

典訓

古官學實錄

聖訓

典典

人學

禮人學

禮中錄志月錄

人事編

祀典

按自魯哀公十六年夏四月己丑孔子卒公誄之稱尼父至漢封孔氏子孫奉祀恩賜如三公禮平帝追諡褒成宣尼公西漢明帝詔郡縣道於學校皆祀聖師梁武帝分遣博士祭酒巡州郡立學初立孔子廟北魏天興四年二月丁亥命入學釋菜太和十六年改祀宣尼曰文聖尼父北周宣帝追封孔子爲鄒國公並立後承祀隋文帝贈孔子爲先師尼父仍封孔子後爲鄒國公唐太宗升孔子爲先聖以顏回配享詔州縣學皆立孔子廟貞觀十一年詔尊孔子爲宣父高宗永徽中以孔子爲先師乾封元年追贈孔子爲太師咸亨元年詔州縣

皆營孔子廟天授元年封孔子爲隆道公神龍元年以鄒魯百戶封隆道公諡

曰文宣二十七年諡曰文宣王以其嗣爲文宣公又勅兩京及袁州廟像改服

袞冕宋初增修先聖及亞聖十哲塑像宋太祖建隆三年詔廟門準令立戟十

六枝太宗太平興國二年免孔氏承祀家租稅眞宗大中祥符元年加諡孔子

曰元聖文宣王四年詔州城置孔子廟五年改諡元聖文宣王爲至聖文宣王

徽宗詔文宣王殿以大成爲名高宗建炎十年釋奠文宣王爲大祀其禮如祭

社稷州縣用中祀竊宗慶元元年仍定文宣王爲中祀遼太祖神册三年詔建

孔子廟金熙宗天會十五年立孔子廟於上京世宗大定十四年加宣聖像十

二旒十二章章宗明昌二年詔孔子廟門置下馬碑泰和四年詔使州郡無宣

聖廟學者並增修之五年諭有司進士名有犯孔子諱者避之元武宗十一年
加封孔子爲大成至聖文宣王十五年詔孔子以下去塑像易木主明英宗禁
天下祀孔子於釋老宮憲宗成化命過孔子門者皆下馬清世祖順治二年諭
禮部孔廟謚號加稱大成至聖文宣先師孔子十四年改稱至聖先師孔子聖
祖康熙十九年御書萬世師表四字頒於太學及天下文廟世宗雍正元年封
孔子五世王爵木金父公爲肇聖王祈父公爲裕聖王防叔公爲詒聖王伯夏
公爲昌聖王叔梁公爲啓聖王更名崇聖祠二年御書生民未有額頒於闕里
及天下文廟高宗乾隆三年御書與天地參四字頒行天下文廟又製聯曰齊
家治國平天下信斯言也布在方策率性修道致中和得其門者譬之宮牆仁

宗嘉慶元年御書聖集大成額頒行天下文廟宣宗道光御書聖協時中額頒
行天下文廟文宗咸豐元年御書德齊疇載額頒行天下文廟穆宗同治元年
御書聖神天縱額頒行天下文廟德宗光緒御書斯文在茲額頒行天下文廟
宣統元年御書中和位育額頒行天下文廟

文廟祀位

正殿奉

至聖先師孔子神位

東配

復聖顏子 名回字子淵魯人唐贈袞公宋封袞國公元封袞嗣復聖公明

改稱復聖顏子

述聖子思子 名伋字子思宋初封沂水侯改封沂靈公元封沂國述聖公

明改稱述聖子思子

西配

宗聖曾子 名參字子輿魯人唐贈卬伯宋封卬國公元封卬國宗聖公明

改稱宗聖曾子

亞聖孟子 名軻字子輿鄒人宋改鄒國公元封鄒國亞聖公明改稱亞聖

孟子

東哲

閔子 名損字子騫魯人唐贈費侯宋封瑯琊公改封費公明改稱先賢

自四配以下皆稱先賢某子

冉子 名雍字仲弓魯人唐贈薛侯宋封下邳公改封薛公

端木子 名賜字子貢衛人唐贈黎侯宋封黎陽公改封黎公

仲子 名由字子路卞人唐贈衛侯宋封河內公改封衛公

卜子 名商字子夏衛人唐贈魏侯宋封河東公改封魏公

有子 名若字子若魯人唐贈卞伯宋封平陰侯清乾隆三年升祔十哲

西哲

冉子 名耕字伯牛魯人唐贈鄆侯宋封東平公改封鄆公

宰子 名予字子我魯人唐贈齊侯宋封臨淄公改封齊公

冉子 名求字子有魯人唐贈徐侯宋封彭城公改封徐公

言子 名偃字子游吳人唐贈吳侯宋封丹陽公改封吳公

顓孫子 名師字子張陳人唐贈陳伯宋封宛邱侯改封穎川侯後封陳公

咸淳三年升祔十哲

朱子 名熹字元晦宋婺源人嘉定二年謚曰文寶慶三年追封信國公

紹定三年改封徽國公淳祐元年從祀元至元二十二年改封齊國公清

康熙五十一年升祔十哲之次

東廡先賢

公孫僑 字子產鄭人清咸豐七年從祀

林放 字子邱魯人唐贈清河伯宋封長山侯明嘉靖九年改祀於鄉清

雍正二年復祀

原憲 字子思魯人唐贈原伯宋封任城侯明嘉靖九年改稱先賢 以

下各先賢同

南宮适

字子容魯人唐贈郟伯宋封襲邱侯改封汝陽侯

商瞿

字子本魯人唐贈蒙伯宋封須昌侯

漆雕開

字子開魯人唐贈滕伯宋封平輿侯

司馬耕

字子牛宋人唐封宜向伯宋封楚邱侯改封睢陽侯

梁鱣

字叔魚魯人唐贈梁伯宋封千乘侯

冉孺

字子魯魯人唐贈紀伯宋封臨沂侯

伯虔

字子析魯人唐贈聊伯宋封流陽侯

冉季

字子產魯人唐贈東平伯宋封諸城侯舊志諸陽伯今正

漆雕徒父 字子有蔡人唐贈須句伯宋封高苑侯

漆雕哆 字子歛魯人唐贈武城伯宋封濮陽侯

公西赤 字子華魯人唐贈郟伯宋封鉅野侯

任不齊 字子選楚人唐贈任城伯宋封當陽侯

公良孺 字子正陳人唐贈東牟伯宋封牟平侯

公肩定 字子仲魯人唐贈新田伯宋封梁父侯舊志作公定肩今正

鄆單 字子家齊人唐贈銅鞮伯宋封聊城侯

罕父黑 字子索魯人唐贈乘邱伯宋封祁陽侯 從祀考云封祁鄉伯

榮旂 字子祺魯人唐贈雲樓伯宋封厭次侯

左人郢 以字行魯人唐贈臨淄伯宋封南華侯

鄭國 字子徒魯人唐贈榮陽伯宋封胸山侯舊志作秦人今正

原亢 字子籍魯人唐贈萊蕪伯宋封樂平侯

廉潔 字子曹衛人唐贈莒父伯宋封胙城侯

叔仲會 字子期魯人唐贈瑕邱伯宋封博平侯

公西輿如 字子上魯人唐贈重邱伯宋封臨胸侯

邾巽 字子歛魯人唐贈平陸伯宋封高堂侯

陳亢 字子亢陳人唐贈穎伯宋封南頓侯

琴張 字子開衛人唐贈陵伯宋封平陽侯

步叔乘 字子車齊人唐贈淳于伯宋封博昌侯

秦非 字子之魯人唐贈沂陽伯宋封華亭侯

顏喟 字子聲魯人唐贈朱虛伯宋封濟陽侯從祀考云封濟陽侯

顏何 字冉魯人唐贈開陽伯宋封堂邑侯明嘉靖九年罷祀清雍正二

年復祀

縣 亶 字子象魯人唐宋封爵未詳明嘉靖九年罷祀清雍正二年復祀

牧 皮 力牧之後清雍正二年從祀

樂正克 周人宋政和五年配享孟廟封利國侯清雍正二年復祀

萬章 鄒人宋政和五年配享孟廟封博興伯清雍正二年從祀舊志作

齊人今據崇祀考

周敦頤 字茂叔宋道州人謚曰元淳祐元年從祀封汝南伯元至順二年

封道國公清雍正二年改稱先賢

程灝 字伯淳宋河南人謚曰純淳祐元年從祀封河南伯元至順二年

封豫國公清雍正二年改封先賢

邵雍 字堯夫宋河南人謚康節淳祐三年從祀封新安伯清雍正二年

改稱先賢

東廡先儒

公羊高 周末齊人唐貞觀二十一年從祀宋封臨淄伯明嘉靖九年改稱

先儒以下各先儒同

伏勝 字子賤漢濟南人唐貞觀二十一年從祀宋封乘氏伯他志作秦

濟南人今正

毛亨 漢河間人清同治二年從祀

孔安國 字子國孔子十一世孫漢博士唐貞觀二十一年從祀宋封曲阜

伯

毛萇 漢趙人貞觀二十一年從祀封樂壽伯

杜子春 字時元漢末緱氏人唐貞觀二十一年從祀宋封緱氏伯

鄭玄 字康成漢高密人唐貞觀二十一年從祀宋封高密伯明嘉靖九

年改祀於鄉清雍正二年復祀

諸葛亮 字孔明漢末瑯琊人封武鄉侯謚忠武元至治二年加封王爵清

雍正二年從祀

王通 字仲淹隋龍門人私謚文中子明嘉靖九年從祀

韓愈 字退之唐南陽人謚曰文封昌黎伯宋元豐六年從祀

胡瑗 字翼之宋海陵人謚安定改文昭端平二年從祀

韓琦 字穉圭宋安陽人封魏國公清咸豐六年從祀

楊時 字中立宋將樂人謚文靖元至正二十二年追封吳國公明宏治

九年從祀封將樂伯

謝良佐 字顯道宋上蔡人清道光二十九年從祀

尹焯 字彥明宋洛陽人清雍正二年從祀

胡安國 字康侯宋崇安人諡文定元至正二十二年封楚國公明正統元年從祀成化三年封建寧伯

李侗 字愿中宋劍浦人元至正二十一年追封越國公明萬曆四十二年從祀

呂祖謙 字伯恭宋婺州人諡曰成改諡中亮景定二年從祀封開封伯他志作婺源人今正

袁燮 字叔和宋浙江鄞縣人諡正獻清同治七年從祀

黃幹 字直卿宋閩縣人謚文肅清同治七年從祀

輔廣 字漢卿趙州人清光緒四年從祀

何基 字子恭宋金華人謚文定清雍正二年從祀

文天祥 字宋瑞宋吉水人清道光二十一年從祀

王柏 字會之宋金華人謚文憲清雍正二年從祀他志作文宣今正

劉因 字夢吉元保定容城人謚文靖追封容城郡公清宣統三年從祀

陳澔 字可大元都昌人清雍正二年從祀

方孝孺 字希古明寧海人清同治二年從祀

薛瑄 字德温明河津人謚文清隆慶五年從祀

胡居仁

字淑心明餘千人諡文敬萬歷十二年從祀

羅欽順

字允升明泰和人諡文莊清雍正二年從祀

呂柟

字仲木明高陵人清同治二年從祀

劉宗周

字起東明山陰人清諡忠介道光二年從祀他志諡曰忠今正

孫逢奇

字啓泰明容城人清道光八年從祀

黃宗羲

字太冲浙江餘姚人父忠端公尊素以劾魏闖死於獄先生入都

訟冤設祭獄門莊烈帝聞其哭聲嘆曰忠義孤兒也歸益肆力於學經史

百家無所不窺以濂洛之統綜會諸家

張履祥

字考夫明浙江桐鄉人清同治十年從祀

陸隴其 字稼書清平湖人雍正二年從祀乾隆元年追諡清獻他志諡在

從祀前今正

張伯行 字孝先清儀封人諡清恪光緒四年從祀

湯斌 字孔伯清睢州人諡文正道光三年從祀

顏元 字易直直隸博野縣人有孝行學本程朱兵法象緯無不精達著

書曰會典大政守道不仕門人諡文孝先生康熙六十一年祀博野鄉賢

祠民國八年從祀

西廡先賢

蘧瑗 字伯玉衛人唐贈衛伯宋封內黃侯元祐六年從祀嘉靖九年改

祀於鄉清雍正二年復祀

澹臺滅明

字子羽魯人唐贈江伯宋封金鄉侯明嘉靖九年改稱先賢以

下各先賢同

宓不齊

字子賤魯人唐贈單父伯宋封單父侯

公冶長

字子長魯人唐贈莒伯宋封高密侯

公皙哀

字委次齊人唐贈郕伯宋封北海侯從祀考云贈祀伯封曲阜侯

高柴

字子羔齊人唐贈共城伯宋封共城侯

樊須

字子遲魯人唐贈樊伯宋封益都侯

商澤

字子季魯人唐贈睢陽伯宋封鄒平侯

巫馬施 字子旗陳人唐贈郾伯宋封東阿侯舊志作巫馬期據從祀考改

從史記

顏 辛 字子柳魯人唐贈肅伯宋封陽穀伯

曹 卹 字子循蔡人唐贈曹伯宋封上蔡侯

公孫龍 字子石楚人唐贈瑯琊伯宋封枝江侯

秦 商 字子王魯人唐贈上洛伯宋封馮翊侯

顏 高 字子驕魯人唐贈瑯琊伯宋封雷澤侯

壤駟赤 字子徒秦人唐贈北徵伯宋封上邽侯

石作蜀 字子明秦人唐贈郾邑伯宋封成紀侯

公夏首 字子乘魯人唐贈亢父伯宋封鉅野侯從祀攷云封鉅平侯

后處 字子里齊人唐贈營邱伯宋封膠東侯

奚容蒧 字子哲衛人唐贈下邳伯宋封濟陽侯

顏祖 字襄魯人唐贈臨沂伯宋封富陽侯從祀考云贈臨邑伯

句井疆 字子疆衛人唐贈洪陽伯宋封濳陽侯

秦祖 字子南秦人唐贈少梁伯宋封鄆城侯

縣成 字子祺魯人唐贈鉅野伯宋封武城侯

公祖句茲 字子之魯人唐贈期思伯宋封即墨侯

燕伋 字思秦人唐贈漁陽伯宋封沂源侯

樂 欬 字子聲魯人唐贈昌平伯宋封建城侯

狄 黑 字哲衛人唐贈臨濟伯宋封林慮侯

孔 忠 字子蔑孔子兄之子唐贈汝陽伯宋封鄆城侯

公西蒧 字子上魯人唐贈祝阿伯宋封徐城伯

顏之僕 字子叔魯人唐贈東武伯宋封宛句侯

施之常 字子恒魯人唐贈乘氏伯宋封臨濮侯

申 棖 字子周魯人唐贈魯伯宋封文登侯

左邱明 魯中都人唐貞觀永徽中配食孔庭宋封瑕邱伯改封中都伯明

嘉靖九年改稱先儒清雍正二年升祀先賢

秦冉 字子開魯人唐贈彭衙伯宋封新息侯明嘉靖九年罷祀清雍正

二年復祀

公明儀 魯武城人清咸豐三年從祀

公都咳 齊人宋政和五年配享孟廟封平陰伯清雍正二年從祀舊志作

公都子今正

公孫丑 齊人宋政和五年配享孟廟封壽光伯清雍正二年從祀

張載 字子厚宋郿縣人諡曰明淳祐元年從祀封郿伯清雍正二年改

稱先賢

程頤 字正叔宋河南人諡曰正淳祐元年從祀封尹陽伯元至順二年

加封洛國公清雍正二年改稱先賢

西廡先儒

穀梁赤 周末魯人唐貞觀二十一年從祀宋封龔邱伯改封睢陵伯明嘉

靖九年改稱先儒以下各先儒同

高堂生 漢魯人唐貞觀二十一年從祀宋封萊蕪伯

董仲舒 漢廣川人元至順元年從祀明洪武二十九年封江都伯成化二

年封廣川伯

劉德 漢河間王諡曰獻未知是否

后蒼 字近君漢東海郯人明嘉靖九年從祀

許慎 字淑重漢汝南人清光緒二年從祀

岐 漢長陵人通禮會典皆無其位應從宣統三年旨及祀孔典禮加

入

范甯 字武子晉陽人封陽遂侯唐貞觀二十一年從祀宋封新野伯明
嘉靖九年改祀於鄉清雍正二年復祀他志作順陽人今正

路贄 字敬輿唐嘉興人諡曰宣清道光六年從祀

范仲淹 字希文宋吳縣人封汝南公諡文正後追封楚國公清康熙五十
四年從祀

歐陽修 字永叔宋廬陵人諡文忠明嘉靖九年從祀

司馬光 字君實宋夏縣人贈溫國公諡文正咸淳三年從祀

游 酢 字定夫宋建州建陽人從祀年未詳

呂大臨 字與叔宋京兆人從祀年未詳

羅從彥 字仲素宋劍浦人諡文質明萬歷四十二年從祀

李 綱 字伯紀宋紹武人清咸豐元年從祀

張 栻 字敬夫宋綿竹人諡曰宣景定二年從祀封華陽伯

陸九淵 字子敬宋金谿人諡文安明嘉靖九年從祀

陳 淳 字安卿宋龍溪人清雍正二年從祀

真德秀 字景元宋浦城人諡文忠元至正二十一年封福國公明正統元

年從祀成化三年封浦城伯

蔡沈

字仲默宋建陽人贈榮國公元至正二十二年封建國公明初諡

文正正統元年從祀成化二年封崇安伯

魏了翁

字華父宋蒲江人諡文靖贈秦國公清雍正二年從祀

趙復

字仁甫宋德安人清雍正二年從祀

金履祥

字吉父元蘭溪人諡文安清雍正二年從祀

陸秀夫

字君實宋鹽城人清咸豐九年從祀

許衡

字仲平元河內人諡文正贈魏國公皇慶二年從祀

吳澄

字幼清元崇仁人諡文正封臨川郡公明正統八年從祀嘉靖九

年罷祀清乾隆三年復祀

許謙 字益之元金華人諡文懿清雍正二年從祀

曹端 字正夫明澠池人私諡靜修清同治二年從祀

陳獻章 字公甫明新會人諡文恭萬歷十二年從祀

蔡清 字介夫明晉江人諡文莊清雍正二年從祀

王守仁 字伯安明餘姚人封新建伯贈侯諡文成萬曆十二年從祀

呂坤 字叔簡明寧陵人清道光六年從祀

黃道周 字幼平明漳浦人清諡忠端道光五年從祀

王夫之 字而農湖南衡山人明季知事不可爲遂老牖下著述甚多

陸世儀 字道威學者稱桴亭先生明江蘇太倉州人爲學一以朱子爲法

清光緒元年從祀

顧炎武 字寧人江南崑山人著天下郡國利病書周行天下清初隱居不

仕

李 燠 字剛主自號恕谷直隸蠡縣人性篤學以實用爲主通禮樂射御

兵法數術其門人諡文子先生著周易傳註筮考郊社考辨論語傳註諸

書民國八年從祀

崇聖祠正位

肇聖王木金父公 正中

裕聖王祈父公

左

詒聖王防父公

右

昌聖王伯夏公

左次

啓聖王叔梁公

右次

宋大中祥符元年封齊國公至順元年加啓聖王明嘉

靖九年立祠題啓聖清雍正元年稱崇聖祠

東配祀位

先賢孔氏 名孟皮字伯尼孔子兄清咸豐七年配享

先賢顏氏 名無繇字路家語字季路顏子父唐開元二十七年從祀贈杞

伯宋祥符二年封曲阜侯元至順三年封杞國公諡文裕明嘉靖九年配

享

先賢孔氏 名鯉字伯魚子思之父宋崇寧元年封泗水侯咸淳二年從祀

明嘉靖九年享

西配祀位

先賢曾氏 名點字子皙曾子父唐開元二十七年從祀封宿伯宋祥符元

年封萊蕪侯明嘉靖九年配享

先賢孟孫氏 名激字公宜孟子父魯公族元延祐三年封邾國公明嘉靖

九年配享

東廡祀位

先儒周氏 名輔成先賢周子敦頤之父宋仁宗時桂嶺令贈諫議大夫明
萬歷二十年從祀

先儒程氏 名珣字伯溫二程子之父宋仁宗時黃陂尉歷知襲磁漢諸州
紹興五年生元祐五年卒年八十五明嘉靖九年從祀

先儒蔡氏 名元定字季通世稱西山先生諡文節蔡子沈之父宋理宗時
贈迪功即紹興五年生慶元四年卒年六十四明嘉靖九年從祀

西廡祀位

先儒張氏 名迪張子載之父宋神宗時知涪州清雍正元年從祀

先儒朱氏 名松字喬年號韋齋朱子熹之父宋高宗時知饒州紹聖四年

生紹興十三年卒年四十七元至正二十一年諡清獻明嘉靖九年從祀

式簡... 宋... 元... 明... 清...

西... 元... 明... 清...

... 元... 明... 清...

... 元... 明... 清...

... 元... 明... 清...

... 元... 明... 清...

... 元... 明... 清...

... 元... 明... 清...

名宦祠

明都督同知巫凱

明遼東都司王翺

明定遼前屯衛指揮鄧佐

明遼東巡按劉成德

明薊遼經略袁崇煥

明前屯衛總兵李鳴鳳

明前屯衛副總兵羅文耀

明前屯衛總兵李輔明

綏中縣志

卷八 人事 名宦祠

十九

遼寧作新印刷局印

明前屯衛總兵袁尙仁

明中後所遊擊吳良弼

明中後所都司王國安

鄉賢祠

明孝子金吾指揮朱國正

明中路遊擊將軍贈都督僉事楊維藩

明署都督僉事畢恭

明孝子生員宮守禮

明山海關總鎮朱梅

明遼東總兵都督同知贈少保諡忠壯楊照

明副總兵諡忠愍楊倫

明孝子永平道僉事朱國梓

明倫彙編

家範典

節婦

明倫彙編

家範典

節婦

明倫彙編

家範典

典禮 民國三年八月定

大成殿

正位籩豆案一其前俎一又前香案一皆南嚮

東配二龕西嚮

西配二龕東嚮籩豆案俎香案各二東序一龕西嚮西序一龕東嚮籩豆案

各六統設俎香案東西各一殿中少西祝案一南嚮東尊桌一接桌一福胙

桌一西尊桌一接桌一均北嚮

正位神龕東旁饌桌一南嚮

四配神龕北旁饌桌各一東西

哲位神龕北旁饌桌各一均東西嚮東廡

先賢四十位

先儒三十八位籩豆案三十有九（每案二位）統設俎香案各二（先賢先儒各一）均西嚮西廡

先賢三十九位

先儒三十七位籩豆案三十有九（每案二位惟第二十案先賢一位第三十九案先儒一位）統設俎香案各二（先賢先儒各一）均東嚮廡內兩旁各設饌桌一南北嚮門內之南各設尊桌一北嚮

崇聖祠正中五龕均南嚮籩豆案五香案五統設俎一東配一龕西嚮籩豆案

三香案三西配一龕東嚮籩豆案二香案二俎統設東西各一

正位案旁東饌桌三西饌桌二

配位饌桌東西各一殿內少西祀案一南嚮東尊桌一接桌一西桌一接桌

一東廡

先儒三位西嚮籩豆案二西廡

先儒二位東嚮籩豆案一俎統設東西各一香案一饌桌尊桌亦東西廡各

一凡桌案均施紅緞桌衣

右供張

是日午後執事者敬書祝版

用白紙墨書版長一尺二寸廣八寸

潔室安奉遂詣宰牲所省牲既宰

宰人以鸞刀割牲遂戒具視滌漑辨籩豆簋簠之實

右書祝版眠割戒具

將事之夕夜半執事者入具器陳

正位籩豆案上爵墊一其前登一

實以太羹 鏹二 實以和羹 簋二 實以稻梁 簠二 實以黍稷 籩十有

二 實以鹿脯白餅黑餅稷飯粉

豆十有

實以菹菹醢醢菁菹鹿醢芹菹鬼醢筍菹魚醢脾析豚拍醢食糝食

俎實牛一羊一豕一

香案上設鑪一

焚以絳香 燭臺二 然以絳燭

四配位每案爵墊一其前鏹二簋二籩二簠八

去白餅黑餅稷飯粉

豆八

去脾析豚拍醢食糝食

俎

實羊一豕一香案設鑪一燭臺二

十二哲位每案爵墊一爵三

實以酒

鏹一簋一

實以黍

簠一

實以稷

籩四

實以形鹽棗栗鹿脯

豆四

實以菁菹鹿醢芹菹醢醢

二俎實羊一豕一香案上設爵墊一鑪一燭臺二帛九

正位一配位二哲位

六尊四正位一配位二哲位一

爵十有二設東尊桌接桌上帛八

配位二哲位六尊三配位二哲位一

爵九設

西尊桌接桌上壺一實福酒並爵一盤一實胙肉均設東福胙桌上凡帛皆

色白

正位

四配異篚

十二哲東西共篚凡尊實酒承以舟疏布幕勺具東廡每位爵一實酒每案簋

一簋一籩四豆四

先賢案前統設俎實羊一豕一香案上設鑪一燭臺二

先儒案前統設俎實羊一豕一香案上設鑪一燭臺二尊桌上設帛二尊二

皆先賢
先儒各一

虛爵六篚幕勺皆具西廡陳設同

崇聖祠

正位每案爵墊一其前釧二簠二簋二籩十去糲餅
粉糝豆十去醯食
糝食香案上設鑪一燭

臺二又前統設一俎實牛一羊一豕一

配位每案爵墊一其前簠一簋一籩四豆四香案上設鑪一燭臺二又前東

西各統設一俎實羊一豕一東尊桌接桌上設帛六尊六皆正位
配位各三爵十有八

西尊桌上設帛四尊四皆正位
配位各三爵十有二兩廡每位爵一實酒每案陳設簠簋

籩豆如配位之數東西統設俎各實羊一豕一俎前香案上各設鑪一燭臺
二尊桌上各設帛一尊一虛爵三篚冪勺皆具

樂品

罇鐘一編鐘十有六在東特磬一編磬十有六在西皆懸以虛業東應鼓一
祝一麾一西敵一東西分列琴六瑟四簫六篪六箎四排簫二塤二笙六搏
拊二旌四節四干戚羽籥各六十有四

樂章

清乾隆十年製譜

春祭

夾鐘爲宮應鐘起調

迎神咸平

大哉孔子

伏 伏 伏 伍

先覺先知

伏 伍 伍 伏

與天地參

伏 伏 伍 伍

萬世之師

伏 伍 伍 伍

祥徵麟紱

伍 伍 伏 伏

韻答金絲

伏 伍 伏 伍

日月既揭

伏 伏 伏 伍

乾坤清夷

伏 伏 伏 伏

初獻甯平

三獻有舞餘無舞秋祭同

予懷明德

伏 伏 伏 伍

玉振金聲

伍 伏 伏 伍

生民未有

伏 伏 伍 伍

展也大成

伏 伏 伍 伍

俎豆千古

伍 伍 伏 伍

春秋上丁

伏 伏 伍 伍

清酒既載

伏 伍 伏 伍

其香始升

伏 伏 伏 伏

亞獻安平

式禮莫愆

伏 伏 伏 伍

升堂再獻

伍 伍 伏 伏

響協鼗鏞

伍 伍 伏 伏

誠孚響

伍仕伍伏

肅肅雍雍

伍伍伏伏

譽髦斯彥

伏伏仕仕

禮陶樂淑

仕伍伏伏

相觀而善

伍伏伏伏

終獻景平

自古在昔

伏伏伍伏

先民有作

仕伍伏伏

皮弁祭菜

伍仕伏伏

於論思樂

仕伍伏伏

惟天牖民

伍仕伏伏

惟時聖若

伏仕伍伏

彝倫攸敘

伍伍仕仕

至今木鐸

仕伍伏伏

徹饌咸平

先師有言

伏伏伏伍

祭則受福

伏仕伏伍

四海饗宮

伏伏伍仕

疇敢不肅

伏伏伏伏

禮成告徹

伍仕伏伍

毋疏毋瀆

伏伏伏伏

樂所自生

伍仕伋伋

中原有菽

伍伋伋伋

送神咸平

鳧繹峨峨

伋伋伋伍

洙泗洋洋

仕伋伋伋

景行行止

仕伍伍仕

流澤無疆

伋伋伍伋

聿昭祀事

伍仕伋伋

祀事孔明

伋仕伋伋

化我蒸民

伋伍伋仕

育我膠庠

伋伋伋伋

秋祭

南呂爲宮仲呂起調

迎神咸平

大哉孔子

伋伋仕伋

先覺先知

伋伋伋仕

與天地參

伋仕伋伋

萬世之師

伋伋伋伋

祥徵麟紱

伋伋伋仕

韻答金絲

伋伋伋伋

日月既揭

仇 仕 伏 伏

乾坤清夷

仇 仕 仇 伏

初獻甯平

予懷明德

伏 仇 仕 伏

玉振金聲

仇 仇 伏 伏

生民未有

仕 仇 伏 伏

展也大成

仇 仕 伏 仕

俎豆千古

伏 伏 伏 伏

春秋上丁

仕 仕 伏 仕

清酒既載

伏 伏 仇 伏

其香始升

仇 仕 仇 伏

亞獻安平

式禮莫愆

伏 仇 仕 伏

升堂再獻

伏 伏 仇 伏

響協蕤鏞

伏 伏 仇 仕

誠孚彞獻

伏 伏 伏 伏

肅肅雍雍

伏 伏 仕 仕

譽髦斯彥

仇 伏 伏 伏

禮陶樂淑

伏 伏 仕 仇

相觀而善

伏 仕 仇 伏

終獻景平

自古在昔

伏 伏 伏 伏

先民有作

伏 伏 伏 伏

皮弁祭菜

伏 伏 伏 伏

於論思樂

伏 伏 伏 伏

惟天牖民

伏 伏 伏 伏

惟聖時若

伏 伏 伏 伏

彝倫攸敘

伏 伏 伏 伏

至今木鐸

伏 伏 伏 伏

徹饌咸平

先師有言

伏 伏 伏 伏

祭則受福

伏 伏 伏 伏

四海饗宮

伏 伏 伏 伏

疇敢不肅

伏 伏 伏 伏

禮成告徹

伏 伏 伏 伏

毋疏毋瀆

伏 伏 伏 伏

樂所自生

伏 伏 伏 伏

中原有菽

伏 伏 伏 伏

送神咸平

鳧繹峨峨

伏 仇 仇 仇

洙泗洋洋

伏 伏 仇 仇

景行行止

仇 仇 仇 仇

流澤無疆

仇 仇 仇 仇

聿昭祀事

伏 仇 仇 仇

祀事孔明

伏 仇 仇 仇

化我蒸民

伏 仇 仇 仇

育我膠庠

仇 仇 仇 仇

舞譜 初獻作甯平舞

予 一舞

懷 二舞

明 一別脚

德 一扯圍

玉 一召

振 二召

金 一揖

聲 對面

生 兩舞

民 對面

未 一擺脚

有一灌耳

展 一別脚

也 二別脚

大 一揖

成 一擺脚

俎 一舞

豆 二舞

千 一擺脚

古 二擺脚

春 對面一擺脚

秋 對面二擺脚

上 一揖

丁 朝上

清 一擺脚

酒 二擺脚

既 一提脚

載 一扯圍

其 一擺脚

香 二擺手

始三擺手

升一叩頭

亞獻作安平舞

式一舞

禮二舞

莫一別脚

愆一扯圈

升一召

堂二召

再一揖

獻對面

響兩舞

協對面

鼗一擺脚

鏞一灌耳

誠一別脚

孚二別脚

霽一揖

甗一拱手

肅一舞

肅二舞

雍一擺脚

雍二擺脚

魯對面一擺脚

髦對面二擺脚

斯一揖

彥朝上

禮一別脚

陶二別脚

樂一提脚

淑一扯圈

相一擺手

觀二擺手

而三擺手

善一叩頭

終獻作景平舞

自一舞

古二舞

在一別脚

昔一扯圈

先一看尖

民二看尖

有三看尖

作一蹲身

皮背一召

弁背二召

祭一別脚

菜一扯圈

於對面一舞

論對面二舞

思一揖

樂一拱手

惟一看尖

天二看尖

牖一揖

民一扯圈

惟一召

聖二召

時一蹲身

若二蹲身

彝一擺手

倫二擺手

攸三擺手

叙朝上

至一舒手

今二舒手

木二舒手

鐸二叩頭

名宦鄉賢二祠同時分祭儀同兩廡

右樂章樂舞

大成殿祝文

綏中縣志

卷八 人事 樂章

二十八

遼寧省新印副局印

維某年月日某官某致祀於

至聖先師孔子曰維

先師德參化育道貫古今集羣聖之大成炳前知以垂憲天下爲公中國一
人之量生民未有六經千載之心循宮牆而瞻富美入室升堂隆俎豆而奉
馨香先明後法茲當上丁祇率彝章肅展微忱聿將祀典以復聖顏子述
聖子思子宗聖曾子亞聖孟子配嗚呼聲名所屆血氣莫不尊親光景常

新禮樂明其禋祀尙饗

崇聖祠祝文

維年月日某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公曰維

王垂裕後昆光開聖緒爲層冰之積水作大輅之椎輪既祖功而宗德必有達

人亦木本而水源不忘數典茲屆上丁聿修祀事配以 先賢孔氏 先賢顏

氏 先賢曾氏 先賢孔氏 先賢孟孫氏尙 饗

右祝辭

每歲夏時春秋兩丁日縣知事主

孔子之廟祀有故則各以其屬代分獻以屬官或公立學校校長在城文武委任以上亦咸與祭書祝版眡割戒具陳設省盥各以其屬官爲之糾儀以椽屬崇聖祠正獻以屬官分獻以學校教員或地方員紳陳設器數行禮儀節並同巡按使祭

孔子儀惟正祭官出入殿門皆由右不由左

右祀儀

御製臥碑條約（順治九年命禮部頒行天下學宮）

朝廷建立學校選取生員免其丁糧厚以廩膳設學院學道學官以教之各

衙門官以禮相待全要養賢才以備朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長結交勢要希圖進身若果心善德全上天知之必加

以福

一生員當愛身忍性凡有司官衙門不可輕入即有切己之事止許家人代告不許干與他人詞訟他人亦不許牽連生員作證

一爲學當尊敬先生若有講說皆須誠心聽受如有未明從容再問毋妄行辯難爲師長者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪
一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

欽定六諭文

孝順父母 恭敬長上 和睦鄉里

教訓子孫 各安生理 無作非爲

御製訓飭士子文（康熙四十一年頒行天下學宮）

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教修明賢材蔚起庶幾棧樸作人之意乃比來士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警惕爾諸生其敬聽之從來學者先立品行次及文學學術事功原委有序爾諸生幼聞庭訓長列宮牆朝夕誦讀寧無究心必也躬行實踐砥礪廉隅敦孝順以事親秉忠

貞以立志窮經考義勿雜荒誕之談取友親師悉化驕盈之習文章歸於醇雅毋事浮華軌度式于規繩最防蕩軼子衿佻達自昔所譏苟行止有虧雖讀書何益若夫宅心勿淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社要盟乃如之人名教不容鄉黨勿齒縱幸逃褫扑濫竊章縫返之於衷能無愧乎鄉會科名乃掄才大典關係尤鉅士子果有真才實學何患困不逢年願乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊情深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先

疏附之選哉朕用嘉惠爾等故不禁反復惓惓茲訓言頒到爾等務各體朕心恪遵明訓一切痛加改省爭自濯磨積行動學以圖上進國家三年登進束帛弓旌不特爾身有榮即祖父亦增光寵矣逢時得志寧俟他求哉若仍視爲具文玩愒弗做毀方越治暴棄自甘則是爾等冥頑無知不能率教也既負栽培復干咎戾王章俱在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不豫也爾多士尙敬聽之哉

...

...

...

...

...

...

...

...

...

...

...

...

...

武廟祀位

關岳廟

在城內縣署東清時春秋致祭僅有 關帝像近歲奉文 關岳合祀因於

關廟殿中安 岳忠武牌位其東西配應入祀典之名動雖未完全設立

而志書亦必備載以待將來建築時借資參考

正位

關壯繆之位

岳忠武之位

東配

綏中縣志

卷八

人物祀立

三十三

志書

張飛 字翼德一作益德三國涿郡人蜀漢車騎將軍領司隸校尉進封西鄉侯章武元年卒追諡桓侯

王濬 字士治晉弘農湖人撫軍大將軍開府儀同三司加特進散騎常侍後軍將軍太康六年卒諡曰武

韓擒虎 隋書作韓擒字子通河南東垣人後家新安進位上柱國拜涼州總管開皇十二年卒

李靖 字藥師唐京兆三原人封衛國公圖形凌烟閣貞觀二十三年卒贈司徒并州督都陪葬昭陵諡景武

蘇定方 名烈以字行唐冀州武邑人拜涼州安集大使乾封二年卒贈左校

衛大將軍幽州都督諡曰莊

郭子儀 以字行唐華州鄭縣人太尉中書令封汾陽王尙父建中二年卒贈太師陪葬建陵諡忠武配享代宗廟廷

曹彬 字國華宋眞定靈壽人拜樞密使咸平二年卒贈中書令追封濟陽郡王諡武惠配享太祖廟廷

韓世忠 字良臣宋延安人鎮南武安甯國節度使紹興二十一年卒追封通義郡王孝宗朝追封蘄王諡忠武配享高宗廟廷

旭烈兀 元憲宗弟世王印度地其裔在內地者別封靖遠王廣平王改封幽王

徐達

字天德明濠州人封魏國公子世券洪武十八年卒追封中山王諡

武甯配享太廟肖像功臣廟位皆第一

馮勝

初名國勝又名宗異明定遠人官征虜大將軍太子太師洪武二十

八年卒

戚繼光

字元敬明登州衛人薊州昌平保定三鎮總兵官以功加少保後改

廣東萬歷間卒

西配

趙雲

字子龍三國眞定人蜀漢封永昌亭侯遷鎮東將軍建興七年卒追

諡順平侯

謝玄 字幻度晉陽夏人授散騎常侍左將軍會稽內史太元十三年卒追

贈車騎將軍開府儀同三司諡獻武

賀若弼 字輔伯隋河南雒陽人位上柱國追爵宋國公轉右武侯大將軍大

業三年卒

尉遲敬德 名恭以字行唐朔州善陽人封鄂國公圖形凌烟閣顯慶三年卒

贈司徒并州都督陪葬昭陵諡忠武

李光弼 唐營州柳城人封臨淮郡王賜鐵券圖形凌烟閣廣德二年卒贈太

保諡武穆

王彥章 字子明五代鄆州壽張人仕梁授招討使貞明七年卒晉高祖時追

贈太師

劉 筠 字信叔宋德順軍人爲江淮浙西制置使紹興三十二年卒贈開府

儀同三司諡武穆

狄 青 字漢臣宋汾州西河人拜樞密使嘉祐二年卒贈中書令諡武襄

郭 侃 字仲和元華州鄭縣人爲徐邳二州總管遷知甯海州至元八年卒

常遇春 字伯仁明懷遠人官左副將軍洪武二年卒贈上柱國太保追封開

平王諡忠武配享太廟肖像功臣廟位皆第二

藍 玉 明定遠人太子太傅封涼國公洪武二十六年卒

周遇吉 明錦州衛人太子少保左都督山西總兵官崇禎十七年卒贈太保

諡忠武列祀旌忠祠清乾隆四十一年賜專諡曰忠武錦州建立專祠

祭

關岳典禮

春秋二季祭品

帛一白色 牛一羊一豕一簠簋各二籩各十

禮節

祭日贊引官引承祭官進旁門至盥洗所贊盥洗畢引至殿內行禮處立典

儀唱

樂舞生就位執事者各司其事贊引官贊就位引承祭官就位立典儀唱

迎神司香官捧香盒就香爐左邊立典儀唱作樂贊引官引承祭官就香爐

前立贊引官贊上香承祭官將炷香接舉插爐內又上塊香三次畢贊復位

承祭官復位立贊引官贊承祭官行三鞠躬禮樂止典儀唱奠帛獻爵行初

獻禮捧帛官捧爵官將帛爵捧進神位前典儀唱初獻樂作奠帛官獻帛退

三鞠躬禮退執爵官獻爵行三鞠躬禮退讀祝官詣安祝文桌前行三鞠躬

禮捧起祝文立樂暫止贊讀祝文畢捧至神位前安盛帛盒內舉行三鞠躬

躬禮退樂復作贊引官贊承祭官行三鞠躬禮立樂止典儀唱行亞獻禮樂

作執爵官自案左邊依照初獻禮獻畢退樂止典儀唱行三獻禮樂作執爵

自案右邊依照亞獻禮獻畢退樂止典儀唱徹饌樂作徹畢樂止典儀唱送

神樂作贊引官贊承祭官行三鞠躬禮立樂止典儀唱捧祝帛香饌各詣

燎位捧祝帛香饌官各至 神位前捧祝帛官行一鞠躬禮捧香饌官行一鞠躬禮將祝帛香饌依序捧送承祭官退至西旁立候捧祝帛香饌各官送畢復位立樂作贊引官贊詣望燎位承祭官至燎爐前焚訖樂止贊引官贊禮畢退

樂章 清咸豐四年春月製譜

春祭 夾鐘清均倍應鐘起調簫仕笛伏除仕

迎神 格平之章

懿伏鑠伏兮伏焜伏煌伏 神伍威仕靈伏兮伏赫仕八伏方仕 偉伏烈

照伍兮伏累伏禩伏 祀伏事仕明伍兮伏永伍光仕 達仕精伍誠伏

兮伏黍伏稷伏馨伏香伏

儼伏如伏在伏兮伏洋伏洋伏

奠帛初獻

翊平之章

三獻有舞餘無舞秋祭同

英伏風伏颯伏兮伏神伏格伏思伏

兮伏神伏格伏思伏

紛伏綺伏蓋伏兮伏龍伏旗伏

斟

佩伏桂伏醕伏兮伏盈伏卮伏

兮伏盈伏卮伏

香伏始伏升伏兮伏明伏粲伏

惟伏降伏

鑒伏兮伏在伏茲伏

在伏茲伏

流伏景伏祚伏兮伏翊伏昌伏時伏

亞獻 恢平之章

觴伏再伏酌伏兮伏告伏虔伏

兮伏告伏虔伏

舞伏干伏戚伏兮伏合伏宮伏懸伏

歆

仕伏苾伏芬伏兮伏潔伏蠲伏

兮伏潔伏蠲伏

扇伏巍伏顯伏翼伏兮伏神伏功伏宣伏

終獻 靖平之章

鬱伏鬯伏兮伏三伍申伍羅伏籩伏簋伏兮伍畢伏陳伏儀伏率伍度伍

兮伏肅伏明伏禋伍神伍降伏福伍兮伍宜伏民伏宜伏人伏

徹饌 彝平之章

物伏惟伏備伍兮伏咸伏有伏明伍德伍惟伍馨伏兮伍神伏其伍受伏

告伏徹伍兮伍禮伍終伍罔伏咎伏佑伏我伍家伍邦伍兮伏孔伏

厚伏

送神 康平之章 其一

幢伏葆伏葦伏蕤伍兮伍神伍聿伍歸伍馭伏鳳伍軫伍兮伍騶伍虬伏

駢伏降伏烟伍煜伍兮伍餘伍飶伏馘伍願伏回伏靈伍盼伍兮伍德伏

治伏明伏威伏

望燎 康平之章 其二

焄伏蒿伏烈伏兮伍燎伏有伏輝伍 神伍光伍遙伍炳伏兮伍祥伏雲伍

罪伏祭伏受伍福伏兮伏茂伏典伏無伍違伍 庶伏揚伏駿伍烈伏兮伍

永伏奠伏疆伏畿伏

秋祭 南宮清均仲呂起調簫伏除伍笛伍除伍

迎神 格平

懿鏢兮焜煌伏 神威靈兮赫八方伏 偉烈昭兮伏

累禊伍祀事明兮永光伏 達精誠兮黍稷馨香伏

伏 仇 仕 仇 仕 伏 仇 儼 如 在 兮 洋 洋 仇 仕 仇 仕 仇 伏

奠帛初獻 翊平

英風颯兮神格思 伏 仇 仕 伏 伏 伏 仇 紛 綺 蓋 兮 龍 旗 仇 伏 仇 伏 仇 仕 料 桂 醕

兮盈卮 仇 伏 仇 伏 仇 伏 香 始 升 兮 明 粢 仕 仇 伏 仕 仇 仕 維 降 鑒 兮 在 茲 伏 仇

伏 伏 伏 伏 流 景 祚 兮 翊 昌 時 仇 伏 伏 伏 仕 仇 伏

亞獻 恢平

觴再酌兮告虔 伏 仇 仕 伏 伏 伏 舞 干 戚 兮 合 宮 懸 仇 仕 伏 仇 仇 仕 歆 苾 芬

兮潔蠲 仇 伏 伏 仇 伏 扇 巍 顯 翼 兮 神 宮 宣 仇 伏 伏 伏 仇 仕 仇 伏

終獻 靖平

鬱鬱兮三申伏伏伏伏伏伏羅籩簋兮畢陳伏伏伏伏伏伏儀卒度兮肅明禋

伏伏伏伏伏伏神降福兮宜民宜人伏伏伏伏伏伏

徹饌 彝平

物惟備兮咸有伏伏伏伏伏伏明德惟馨兮神其受伏伏伏伏伏伏告徹

兮禮終罔咎伏伏伏伏伏伏佑我家邦兮孔厚伏伏伏伏伏伏

送神 康平 其一

幢葆葳蕤兮神聿歸伏伏伏伏伏伏馭鳳軫兮驂虬駢伏伏伏伏伏伏

止降烟煜兮餘馥馥伏伏伏伏伏伏願回靈盼兮德洽明威伏伏伏伏伏伏

伏伏伏伏

望燎 康平 其二

焜蒿烈兮燎有輝 伏 仇 仕 伏 仇 仕 伏 仇 仕 伏 神光遙炳兮祥雲霏 伏 仇 伏 仇 伏 仇 伏

仕祭受福兮茂典無違 伏 仇 仕 仇 仕 仇 仕 伏 仇 仕 伏 仇 庶揚駿烈兮永奠疆畿 仇 伏 仇 伏

伏 仇 仇 仕 仇 伏

舞譜 咸豐四年添設

初獻作翊平舞 左右班各三十二人 春暖 秋涼 帽

第一句英風颯兮神格思 英 正立干居中 威下垂風 正面身微俯干正舉

威衡左手 上 颯 向 西 東身微蹲干平舉威斜衡左手上 兮 西 東向面仰右足少前

干威偏左 神 正立干正舉威衡左手上 格 東 西 東向干威分舉思 躡身偏右 左側首

干模地戚衡左手上

第二句紛綺蓋兮龍旗

紛

東向干側舉戚平指

西

綺

正面兩足並干正舉戚衡左手上

蓋

正面起左足干高舉戚斜衡兮正面

身微俯兩足並干正舉戚衡左手上

龍

東向兩足並干平舉戚衡

右手上旗

正面兩足並手微拱于平舉戚衡左手上

第三句料桂醕兮盈卮

料

首左足虛立于居左戚居右少垂桂

正面

左足少前兩手微拱向

勢干平舉戚衡左手上

醕

正面

右足少前兩手微拱向

右作俯視勢干平舉

戚衡左手上兮

身微向

東西足進前干戚偏

左作肩負勢盈

正立于居左戚

居右卮身俯面微仰兩足並干正舉戚衡左手上

第四句香始升兮明粢

香

正面

右足虛立于戚偏

右始正面身微俯右足交於左干平舉戚衡左

手上升西向兩足並兩手推出干平舉戚衡左手上兮俯首身蹲左足少前

干戚偏右明正立干居中戚居左東向身微俯右足少前干側舉戚衡左

手上第五句惟降鑿兮在茲惟東向右足少前身微俯作下視勢干平舉

戚衡左手上降正面兩足並干平舉戚衡左手上鑿俯首偏右足少前左

足虛立干戚偏右兮東向頭微俯起右足干平舉戚斜衡左手上在正立干

居左戚居右下垂茲東向西身微俯右足交於右干戚偏左第六句流景祚

兮翊昌時流身俯右足少前干居左戚居右下垂及地景正面右足少前

身微倚東干戚偏右祚正面足少前身微倚東干戚偏左兮正立兩手高拱

干正舉戚平衡翊首微俯手微拱兩足並干平舉戚衡左手上昌正面屈雙

足干正舉戚衡左手上時屈雙足俯首干正舉戚衡左手上

亞獻作恢平舞

第一句觴再酌兮告虔

觴正立羽籥植再

東向左右足進前趾虛立羽籥如

十字酌

東向左右足進前

兩手微拱羽籥如十字兮

東向兩足並籥西指羽植

如十字告正立籥斜舉羽植虔正立羽籥如十字

第二句舞干戚兮合宮

懸舞

正立俯首羽籥如十字干向東身俯右足進前籥斜指下羽植戚正

面兩足並羽籥並植兮

身微向西

羽籥偏左

如十字

合向

東左足進前籥斜

衡羽植籥上宮正立籥平衡羽植懸正立兩手上拱羽籥如十字第三句歆

苾芬兮潔蠲

歆正立俯首作拱揖勢羽籥如十字苾正面身微蹲籥植過

肩羽平額交如十字

芬

東西向起

右左

足兩手相並推向

東西羽箭植兮

身微

向東兩手微拱向

右左

箭如十字

潔身微向

東西

兩手微拱向

右左

箭十字

東西

向身微俯箭平指

東西

羽植

第四句扇巍顯翼兮神功宣

扇向

東西

身俯起

左右足箭斜衡羽植巍

正立首微俯羽箭植顯

正面身微向

東西

兩手推向

東西

羽

箭並植翼正面身向

東西

起

右左

足羽箭植兮

正面身蹲箭衡膝上羽植神俯首身

蹲左右足少前羽箭偏

右左

如十字功

正面屈雙足羽箭如十字

宣俯首至地羽

箭如十字

終獻作靖平舞

第一句鬱鬯兮三申

鬱

正立箭下垂右手推出羽植鬯

正面身微向

東西

少

蹲兩手推向東羽籥植兮東向籥下垂右手伸出羽植三西向右足進前身

微俯籥斜指羽植申東向右足少前手微拱面微仰羽籥如十字
第二句

羅籥簋兮畢陳 羅西向右足少前手微拱面微仰羽籥如十字籥正面身

俯羽籥如十字簋正立籥植過肩羽平衡如十字兮正面身向東右足進前

左右趾虛立羽籥並植畢正面右足交於左羽籥如十字陳正立籥下垂羽植

第三句儀卒度兮肅明禋 儀首微俯手微拱兩足並羽籥如十字卒正

面羽籥斜交度正立羽籥偏左右斜依肩兮正立籥植過肩羽平額交如十字

肅正面右足交於左籥植居左羽平指西東向籥東西指羽植禋正立籥

平舉過肩羽植 第四句神降福兮宜民宜人 神東向起左右足羽籥植降

東向身微俯兩手推出羽籥植福正立兩手相交羽籥並植兮正立身偏右

兩手微拱羽籥如十字宜正立身偏右兩手微拱羽籥如十字民正面身微蹲

兩手並羽籥植宜正面屈雙足羽籥如十字人俯首至地羽籥如十字

祭

後殿咸豐四年追封三代王爵

曾祖光昭王正中南向

祖裕昌王左

父成忠王右

春秋二季祭品三帛各一白豕各一羊各一不用牛簠簋各二籩豆各八

同日四更祭後殿行二進三鞠躬禮不用樂舞不行飲福受胙禮餘儀節與前殿同

祀

關岳祝文

浩氣常留精忠不泯扶正統而彰大義威震荆襄仗背嵬而靖邊氛志安
炎宋神明如在徧祠宇於寰區靈應丕昭薦馨香於累代降祥降福感深
在佑之羣生設几該籩敬備遵行之祀典

後殿祝文

世澤貽休靈源積慶德能昌後篤生神武之英善則歸親宜享尊崇之報

列上公之封爵錫命攸隆合三世以肇禋典章明備恭逢諏吉祇事薦馨

第九卷

人事

式

制

禮

...

...

...

...

...

...

在伯之華生波凡諸通教無違行之紀典

...

...

綏中縣志目錄

第九卷

人事

下

武備

駐防

緝捕

雜記

雜記

雜記

人事

雜記

劉中輝志目錄

人事編

武備序

武備者國之本也小之則戡亂一方大之則懾威異域有國者寧可百年無戰
爭不可一日無武備綏中地界邊徼形勢所在布防設守措置咸宜雖代遠年
湮而戰績尤昭然可考今按地編年採入志書考古之士庶無遺漏之憾志武
備

謂

朝而彈其大謂謂可也今好此議乎將入志衛其古之士淵無盡藏之志友
伴不可一日無其謂中其果能將遠使亦亦謂其守其謂其宜謂升其平
其謂其國之本其小之謂其國一式大之謂其國是故其謂其國其謂其國其謂其國

友謂其

人事論

武備

中後所駐防

清康熙十四年設滿佐領一員爲右翼係廂紅旗漢佐領一員係左翼鑲白旗
兩旗路記一員圖記二員委官五員歸錦州副都統轄屬下馬兵二百棉甲四
十身槍一百五十杆紅衣炮一百尊鐵匠二名

緝捕

同治年間設雲騎尉一員馬隊四十由錦州副都統派後裁

捕盜營

同治十三年設把總一員外委一員增兵四十歸寧遠州轄分中後前衛駐防

光緒二十二年裁把總一員裁兵二十名改歸練兵守城以後編練巡警

前屯衛駐防

康熙十六年設滿佐領一員驍騎校一員不久裁撤

中前所駐防

康熙二十九年設滿洲佐領一員漢軍佐領一員驍騎校三員委官五員乾隆二十七年設屬下舊設滿洲兵二十名漢軍兵一百二十名乾隆二十八年增設兵四十名四十二年奉旨增設二十名現實兵數二百名鐵匠二名康熙二十九年設今裁

白石嘴門駐防

康熙三十六年設滿防禦一員屬下滿漢兵三十一名乾隆六年增九名共實兵四十名

明水塘邊門駐防

康熙十八年設滿洲防禦一員三十年添領催一員屬下兵二十名乾隆六年增十名共實兵三十名

過境官兵

同治十二年流賊馬傻子王七作亂文祥率京畿勁旅勘亂過境時市井不驚秋毫無犯

光緒二十年中東之役過境殺軍絡繹不絕然法例極嚴兵雖多而無掠擄情

事

駐紮毅軍

光緒二十一年中東和約告成翼長馬玉崑率馬步十三營住邑城東金家屯
兵士皆塹土爲營不住民房紀律嚴明公平交易對於地面毫無騷擾二十四
年開往古北口

光緒二十四年營長張曉山駐防西關商店商民安堵如故是年秋季調回
駐紮綠營

光緒二十八年奉天營務處派營官陸永昌帶隊駐城裡關帝廟及城北各鎮
三十二年調遣復州

駐紮巡防營

光緒三十三年奉天營務處派營官耿玉田駐西關鴻興店內軍規尙嚴並無滋擾情事

駐防陸軍

民國九年陸軍十二連連長汲鳳友帶兵一連駐綏中城裡商民安堵無恐十一年直奉戰起開往前敵

民國十一年十六旅旅長齊恩銘駐車站同慶棧兵民和睦深資保衛十三年八月開九門口前線

過境官兵

民國十一年直奉戰敗潰旅退回綏中集合編師滿城皆兵尙無殺戮淫擄

八月...

民國十一年十月...

...

...

...

...

...

...